



Gipuzkoako enpresa ehunaren lehiakortasuna indartzea, jasangarritasuna eta lankidetzaren sustatzeko programa.

V. ERANSKINA: EKONOMIA ZIRKULARRA

Urtea :2019 | Ekonomia Sustapena

DESKRIBAPENA

Gipuzkoako enpresa sarean onuragarria izango den testuinguru bat sustatzea, baliagarria izango dena balioa sortzeko, enpresak eraldatzeko eta ikuspuntu sistemikoa eta partekatua garatzeko, betiere ekonomia zirkularraren ikuspegitik.

ENTITATE ONURADUNAK

- Gipuzkoan errotutako enpresak eta enpresa elkarteak;
- EAEn kokatutako enpresa elkarteak, Gipuzkoan kokatutako enpresen interesak ordezkatzen dituztenak; eta
- Zientzia, Teknologia eta Berrikuntzako Euskal Sareko entitateak, Gipuzkoan kokatuak.

DIRU-LAGUNTZAREN XEDE DIREN JARDUERAK

Hauek dira diruz lagundu daitezkeen jarduketak: proiektuak garatzeko azterlanak, analisiak, tresnak, prospekzioak, eta ekimenak, eta baita ere balioa sortzeko esparruko proiektu esperimentalak, ekonomia zirkularraren ikuspegitik; hauek dira garatu beharreko proiektuak:

- Gipuzkoako enpresen ezaugarri, behar, eta aukerei egokitutako estrategiak diseinatzea.
- Enpresek edo enpresa inguruneko eragileek osatutako lankidetzaren sareak sortu eta garatzea.
- Enpresa edo lurralde arloko gaitasunak eta balio-kateak identifikatu eta garatzea, baita horietan oinarritutako aukerak ere.
- Ikuspegi zirkularra txertatzea balio kate osoan.
- Sentsibilizazio eta kontzientziazio ekintzak ezartzea.
- Balio erantsiko negozioak eta jardunbide egokiak modelizatzea eta zabaltzea.
- Testuinguruaren eta enpresa sarearen gaitasunak zehaztea eta balioestea.



DIRUZ LAGUNDU DAITEZKEEN KOSTUAK

Diruz lagungarriak izango dira erakunde eskatzaileak aurkezten duen aurrekontu banakatu eta xehatuan jasotako kostuak, jardueraren garapenari zalantzarik gabe lotuta daudenean. (Ikusi diruz lagungarriak diren kostuak 12.oinarrian)

DIRU-LAGUNTZEN ZENBATEKOA

Diru laguntzak kostu hautagarrien % 75 izango dira, salbu eta hainbat proiektu -ikerketak, analisiak eta azterketak, laguntza tresnak sortzea, kontzientziazioa eta sentsibilizazioa, dinamikak ezartzea...horietan % 100 izango baitira.

EMATEKO PROZEDURA

Lehiaketa bidezkoa, deialdi eta hautapen prozedura bakar baten bitartez.

BATERAGARRITASUNA ETA BATERAEZINTASUNA

Diru-laguntza hauek ez dira bateragarriak beste edozein administrazio edo erakunde publiko nahiz pribatuk, izan nazionala, izan Europar Batasuneko edo izan nazioartekoa, eman lezakeen helburu bereko subentzio, laguntza, diru-sarrera edo baliabiderekina.

BETETZEKO EPEAK

Eskaerak aurkezteko epea: **2019ko apirilaren 30ean, goizeko 12:00etan amaituko da.**

Jarduerak hasteko epea: **diru laguntza eskatu ondoren hasiko dira, urte naturalaren barruan.**

Proiektuen exekuzio data: **2020ko maiatzaren 15a**

Proiektuak justifikatzeko data: **2020ko ekainaren 15a**

ARAUDI APLIKAGARRIA

“Gipuzkoako enpresa ehunaren lehiakortasuna indartzea, jasangarritasuna eta lankidetzaren sustatzeko” programaren **2019ko deialdia**: V.ERANSKINA - Ekonomia zirkularra enpresa jardueraren balio kate osoan integratu. (2019ko martxoaren 12ko Diputatuen Kontseiluaren erabakia. [GAO 59 zk. 2019ko martxoaren 27an](#))

Oinarriak: [GAO 97 zk 2018ko maiatzaren 22an](#)

- [Gipuzkoako enpresa ehunaren lehiakortasuna indartzea, jasangarritasuna eta lankidetzaren sustatu.](#)



ESKAERA EGITEKO URRATSAK

- Informazioa eta dokumentuak
<http://www.gipuzkoa.eus/eu/web/ekonomia/programak-eta-laguntzak/lehiakortasuna/ekonomia-zirkularra>
- Eskaera kudeatzeko aplikatiboa
<http://sustapena.gipuzkoa.eus/kudeaketa>

EDOZEIN ZALANTZA IZANEZ GERO, KONTSULTATU

EKONOMIA SUSTAPENENKO ZERBITZUA

Kudeaketa administratiboa: 943.113981

Kudeaketa teknikoa: 943.112217

sustapena.lehiakortasuna@gipuzkoa.eus